

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

CCCCXXXIV.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCCXXXIV.

LITERÆ MAXIMILIANI I. REGIS ROM. QUIBUS  
CHRISTOPHORUM MARCH. BADENSEM LUXENBUR-  
GICI CASTRI CAPITANEUM ORDINAT.

ANNO MCCCCLXXXVIII.

*Ex Tabulario Badensi.*


**M**AXIMILIAN par la grace de Dieu Roy des Romains tousiours  
auguste Et Philippe par la mesme grace Archiducz d'auftrice  
ducz de bourgoingne de lothr. de brabant de lembourg de luxembourg  
& de gheldres, Contes de Flandres, de Thiol d'artois de bourgoingne.  
Palatins de heynau de holande de zelannd de Namur & de zutphen,  
Marquis du fainct empire, Seigneurs de Frize de Salins & de Malines,  
a tous ceulx qui ces presentes lettres verront salut. Sauoir faisons,  
que pour les sens preudhominie & vaillance que par experience con-  
noissons estre en la personne de nostre trescher & tresame Cousin *Chri-  
stofle Marquis de baden*, Nous Iceluy confiant aplain des ses Loyaulte  
preudhomie. & bonne diligence auons commis ordonne & estably, com-  
mettons, ordonnons & estabifions par ces presentes *Capitaine de nostre  
chastel de luxembourg* en lieu de *Johan de dommarien*, Lequel pour cer-  
taines causes a ce nous mouuans nous en auons descharge & deport  
deschargeons & deportons par ces presentes & a nostre dit cousin de ba-  
den auons donne & donnons plain pouuoir auctorite & mandement ef-



pecial de tenir excercer & desseruir ou par son lieutenant a ce faire tenir excercer & desseruir le dit office de cappitaine, garder & faire garder nostre dit chastel bien & srongneusement faire, & faire faire guet & garde en Iceluy de Jour & de nuyt quant le temps le requerra, contraindre & faire contraindre a ce tous ceulx & celles qu'il appartiendra. Et generalement faire & faire toutes & singulieres les choses que bon & leal cappitaine desus dit peult & doit faire & que y competent & appartient aux gaiges droiz proffitz honneurs prerogatiues & emolumens acoustumez & y appartenans & telz que les a eu & prins de nous le dit dommarien, Tant, quil nous plaira, surquoy Il fera tenu de faire le serement a ce pertinent en noz mains si donnons en mandement a noz treschiers & feaulx lez Chancelier & gens de nostre grant conseil & les gens de noz comptes a bruxelles que le dit serement fait par nostre dit cousin de baden. Ilz & tous autres noz Justiciers officiers & subiectz le farent souffrent & laissent du dit office de cappitaine plainement & paisiblement joyr & vser, Mandons en oultre a nostre Receueur general de luxembourg present & aduenir que les gaiges appartenans au dit office de Cappitaine Il paie baille & deliure dorefenauant chacun a nostre dit cousin de baden ou son commandant pour luy tant & si longuement quil tiendra le dit office. Et par Rapportant cez presentes, vidimus dicelles fait soubz seel auctenticque ou coppie collationnee & signee par lun de noz secretaires ou en la chambre de noz dits comptes pour vne & la premiere fois & pour tant de foiz que mestre fera quietence suffisant de nostre dit Cousin de baden. Nous voulons, tout ce que paie baille & deliure luy aura estre a cause de ses dits gaiges estre passe & alloues es comptes & Rabatu des deniers de la Recep-



te de nostre dit Receueur general de luxembourg qui paye laura Par  
noz amez & feaulx les gens de nos dits comptes a bruxelles. Auf-  
quelz nous mandons ainsi le faire sans difficulte Car ainsi nous plait Il  
Non obstant ordonnances restrinctions, mandemens ou desfences a ce  
contreres En tesmoing de ce nous auons signe cez presentes de noz  
mains & y fait mestre nostre petit signet en labfence de nostre grant seal.  
Donne en nostre ville de Midelbourg le XX<sup>me</sup> Jour daoust L'an de grace  
Mil CCCC LXXX & VIII Et du Regne de nous Roy le tiers.



C C C C X X X V.

LITERÆ MAXIMILIANI I. ROMANORUM REGIS, QUI-  
BUS ADMINISTRATIONEM LUXENBURGICI DUCATUS  
CHRISTOPHORO MARCH. BAD. SE NON EREPTURUM PRO-  
MITTIT, NISI JUSTO PRIUS EUM DOCUERIT  
TEMPORE ET IMPENSARUM AB EO FACTA-  
RUM RATIONEM INIERIT.

ANNO M CCCC LXXXVIII.

*Ex Tabulario Badensi.*

**M**AXIMILIAN par la grace de dieu Roy des Romains tousiours  
auguste Et philippe par la mesme grace Archiducs d'austrice ducs  
de bourgoingne de lothr — de brabant, de lembourg, de Luxembourg & de